

**O'zbekiston Respublikasi Milliy statistika qo'mitasi va uning quyi tizim
tashkilotlarida korrupsiyaviy xavf-xatarlarni aniqlash va baholash
USLUBIYOTI**

1 bob. Umumiy qoidalar

1. Mazkur uslubiyot O'zbekiston Respublikasi Milliy statistika qo'mitasi va uning quyi tizim tashkilotlariga (keyingi o'rinlarda Milliy statistika qo'mitasi) yuklangan vazifa va majburiyatlarni bajarishda yuzaga kelib chiqadigan korrupsiyaviy xavf-xatarlarni baholash bo'yicha qoidalarini belgilab beradi hamda Milliy statistika qo'mitasida korrupsiyaviy xavf-xatarlarni baholashga yagona yondashuvni shakllantirishga qaratilgan.

2. Quyidagilar Milliy statistika qo'mitasidagi korrupsiyaviy-xavf-xatarlarni baholashning maqsadi hisoblanadi:

Milliy statistika qo'mitasi faoliyatini kompleks tahlil qilish orqali korrupsiya xavf-xatariga eng ko'p moyil bo'lgan funktsiya va lavozimlarini belgilash;

korrupsiyaviy xavf-xatarlarni minimallashtirish bo'yicha samarali oldini olish choralarini ishlab chiqish.

3. Milliy statistika qo'mitasidagi korrupsiyaviy xavf-xatarlarni baholash quyidagilarni ishlab chiqilishini nazarda tutadi:

Korrupsiyaviy xavf-xatarlar xaritasi;

Milliy statistika qo'mitasida, korrupsiyaga qarshi kurashish choralar (tadbirlar)ni, mas'ul shaxslarni, amalga oshirish mexanizmi va muddatlarini o'z ichiga belgilab olgan Korrupsiyaga qarshi kurashish bo'yicha dastur.

4. Milliy statistika qo'mitasidagi korrupsiyaviy xavf-xatarlarni baholash har yili yoki quyidagi holatlar yuzaga kelganda amalga oshiriladi:

korrupsiyaviy xavf-xatarlarni birlamchi baholash zaruriyati;

O'zbekiston Respublikasi qonunchilik hujjatlari talablarining o'zgarishi;

funktsiya yoki tartib-taomilning amalga oshirilishiga sezilarli ravishda ta'sir ko'rsatuvchi Milliy statistika qo'mitasining ichki hujjatlari o'zgarishi;

Milliy statistika qo'mitasi tuzilmasining, funktsiyalarini amalga oshirishida o'ziga xos jihatlarining o'zgarishi, yangi funktsiyalarning yuklanishi;

Milliy statistika qo'mitasi funktsiyalarining korrupsiyaviy xavf-xatar darajasiga ta'sir ko'rsatishi mumkin bo'lgan boshqa shart-sharoitlarning kelib chiqishi.

5. Ushbu Uslubiyotda quyidagi asosiy tushunchalardan foydalaniladi:

qoldiq xavf-xatar – korrupsiyaviy xavf-xatarni minimallashtirishga qaratilgan choralarni qabul qilingandan so'ng qoluvchi xavf-xatar (ya'ni, amaldagi korrupsiyaga

qarshi kurashish siyosatni va tartib-taomillarni, xavf-xatarlarni minimallashtirish bo'yicha chora-tadbirlarni va joriy etilgan nazoratlarni hisobga olgan holda);

korruptsiyaviy xavf-xatar – xodimlar yoki uchinchi shaxslar tomonidan Milliy statistika qo'mitasi nomidan va (yoki) ularning manfaatlarini ko'zlab korruptsiyaviy xatti-harakatlarni sodir etish xavfi;

korruptsiyaviy xavf-xatarlarni baholash – Milliy statistika qo'mitasi tomonidan amalga oshiriladigan funksiyalarni tahlil qilish, ularning korruptsiyaviy xavf-xatarga moyillik darajasini aniqlash, shuningdek funksiyalar doirasida amalga oshiriladigan tegishli tartib-taomillar uchun o'ziga xos va qoldiq korruptsiyaviy xavf-xatarlarni baholash faoliyati;

korruptsiyaviy xavf-xatarlarning birlashgan xaritasi – Milliy statistika qo'mitasidagi korruptsiyaviy xavf-xatarlarni baholash natijalari bo'yicha tuziladigan va Milliy statistika qo'mitasi funksiyalari va tartib-taomillarining umumiy ro'yxati, tegishli funksiyalarni amalga oshirish bilan bog'liq ehtimoliy korruptsiyaviy xavf-xatar (sxemalar) tasnifi, o'ziga xos va qoldiq korruptsiyaviy xavf-xatarlar darajasi, ularni minimallashtirish choralari va aniqlangan korruptsiyaviy xavf-xatarni minimallashtirish chora-tadbirlarini amalga oshirish uchun mas'ul bo'lgan xodimlar lavozimlarini o'z ichiga oluvchi birlashgan hujjat;

korruptsiyaviy harakatlar – xodim tomonidan bevosita yoki bilvosita shaxsan yoki uchinchi shaxslar orqali pora beruvchi manfaatlarini yo'lida harakat yoki harakatsizlik uchun moddiy manfaatdor bo'lishi, shu jumladan pul, qimmatbaho qog'oz, boshqa ko'rinishdagi mulk va mulkiy huquqlar, mulkiy xarakterdagi xizmatlar olish, talab qilish, undirish, taklif qilish yoki berish, pora berish va/yoki olish yoki bunda vositachilik qilishda, rasmiyatchiliklarni soddalashtirish uchun to'lovlar undirish (pora olish) va boshqa noqonuniy maqsadlarda o'z xizmat vazifalaridan noqonuniy foydalanish;

korruptsiyaga oid huquqbuzarlik – korruptsiya alomatlariga ega bo'lgan, sodir etilganligi uchun qonunchilik hujjatlarida javobgarlik nazarda tutilgan qilmish;

tartib-taomil – tashkilot funksiyalarini amalga oshirish doirasidagi xodimlar, bo'linmalar tomonidan bajariladigan yoki bitta natijaga qaratilgan, yohud ma'lum bir funksiyaning ajralmas elementi hisoblangan, alomatlar bo'yicha bir guruhga birlashtirish mumkin bo'lgan harakatlar yig'indisi;

funksiya – bir nechta tartib-taomilni o'z ichiga olishi mumkin bo'lgan Milliy statistika qo'mitasining ichki jarayon (faoliyat yo'nalishlari)laridan biri;

ekspert fikri – aniq fakt yoki hodisa bo'yicha xodim yoki bo'linmaning subyektiv qarashi yoki fikriga asoslangan qarori.

o'ziga xos xavf-xatar – Milliy statistika qo'mitasi faoliyati va amalga oshirilayotgan funksiyalari spetsifikasidan kelib chiqadigan xavf-xatari, shu bilan birga uni kamaytirishga qaratilgan chora-tadbirlarni amalga oshirilishi hisobga olinmagan holda (ya'ni, amaldagi korruptsiyaga qarshi kurashish siyosati va tartib-taomillari,

xavf-xatalarni minimallashtirishga qaratilgan chora-tadbirlar va joriy etilgan nazoratlar hisobga olinmagan holda);

hududiy yoki tarkibiy bo'linmaning korrupsiyaviy xavf-xatarlari xaritasi –

Milliy statistika qo'mitasi va uning quyi tizim tashkilotlaridagi korrupsiyaviy xavf-xatarlarni baholash natijalari bo'yicha tuziladigan hamda organ yoki muassasa funksiyalari va tartib-taomillarining umumiy ro'yxati, tegishli funksiyalarni amalga oshirish bilan bog'liq ehtimoliy korrupsiyaviy xavf-xatar (sxemalar) tasnifi, o'ziga xos va qoldiq korrupsiyaviy xavf-xatarlar darajasi, ularni minimallashtirish choralari va aniqlangan korrupsiyaviy xatarni minimallashtirish chora-tadbirlarini amalga oshirish uchun mas'ul bo'lgan xodimlar lavozimlarini o'z ichiga oluvchi hujjat.

6. Milliy statistika qo'mitasidagi korrupsiyaviy xavf-xatarlarni baholash Korrupsiyaga qarshi ichki nazorat bo'limi (keyingi o'rinlarda – Ichki nazorat bo'limi) tomonidan Milliy statistika qo'mitasi raisi topshirig'i asosida amalga oshiriladi. Milliy statistika qo'mitasi raisi topshirig'ida baholashni o'tkazish aniq muddatlari ko'rsatiladi.

7. Korrupsiyaviy xavf-xatarlarni baholashda Ichki nazorat bo'limi quyidagi vazifalarni amalga oshiradi:

korrupsiyaga qarshi kurashish bo'yicha mas'ullarni jalb qilgan holda Milliy statistika qo'mitasida xavf-xatarlarni baholash jarayonini tashkillashtiradi;

Milliy statistika qo'mitasida korrupsiyaviy xavf-xatarlarni baholash jarayoni ustidan umumiy nazoratni amalga oshiradi;

Milliy statistika qo'mitasidagi korrupsiyaga qarshi kurashish bo'yicha mas'ullar, shuningdek Milliy statistika qo'mitasi markaziy apparati va hududiy statistika organlariga mazkur Uslubiyotda ko'zda tutilgan tartibga rioya qilish bo'yicha maslahatlar beradi;

markaziy apparat bo'linmalarining korrupsiyaviy xavf-xatarlar xaritasini tuzadi va Milliy statistika qo'mitasining korrupsiyaga qarshi kurashish yo'nalishiga mas'ul rahbar o'rinbosari bilan kelishadi;

markaziy apparat va hududiy statistika organlarning korrupsiyaviy xavf-xatarlari xaritasini Milliy statistika qo'mitasining korrupsiyaviy xavf-xatarlarning birlashgan xaritasiga umumlashtiradi;

Milliy statistika qo'mitasi rahbari va hududiy statistika organlari rahbarlariga xavf-xatarlarni baholash natijalari va korrupsiyaviy xavf-xatarlarning birlashgan xaritasini taqdim etadi;

tasdiqlangan xavf-xatarlar xaritasi asosida hududiy statistika organlar tomonidan ishlab chiqilgan korrupsiyaga qarshi kurashish bo'yicha dasturlar loyihalarini ko'rib chiqadi va ularni qabul qilish maqsadga muvofiqligi to'g'risida xulosa beradi;

markaziy apparat bo'linmalarining korrupsiyaga qarshi kurashish bo'yicha dasturini ishlab chiqadi va Milliy statistika qo'mitasining korrupsiyaga qarshi kurashish yo'nalishiga mas'ul rais o'rinbosari bilan kelishadi;

markaziy apparat va hududiy statistika organlarning korrupsiyaga qarshi kurashish bo'yicha dasturi asosida Milliy statistika qo'mitasining korrupsiyaga qarshi kurashish dasturini ishlab chiqadi;

Milliy statistika qo'mitasida korrupsiyaviy xavf-xatarlarni minimallashtirish bo'yicha chora-tadbirlarini muvofiqlashtiradi va ularni nazorat qiladi;

ushbu Uslubiyotda ko'zda tutilgan boshqa vazifalarni amalga oshiradi.

Ichki nazorat bo'limi zarur hollarda markaziy apparat tarkibiy bo'linma rahbarlari va korrupsiyaga qarshi kurashish bo'yicha mas'ullardan qo'shimcha axborot va hujjatlarni talab qilib oladi.

8. Korrupsiyaga qarshi kurashish bo'yicha mas'ullar quyidagi vazifalarni amalga oshiradi:

hududiy statistika organlarda korrupsiyaviy xavf-xatarlar baholanishini tashkil qiladi va o'tkazadi;

hududiy statistika organlarda korrupsiyaviy xavf-xatarlarni baholash jarayoni ustidan nazoratni amalga oshiradi;

hududiy statistika organlarning korrupsiyaviy xavf-xatarlar xaritasini tuzadi va ushbu Uslubiyotda ko'zda tutilgan tartibda kelishilishini ta'minlaydi;

hududiy statistika organlarning korrupsiyaga qarshi kurashish bo'yicha dasturlarini ishlab chiqadi va ushbu Uslubiyotda ko'zda tutilgan tartibda kelishilishini ta'minlaydi;

hududiy statistika organlarda korrupsiyaviy xavf-xatarlarni minimallashtirish bo'yicha chora-tadbirlarini amalga oshirishni muvofiqlashtiradi va nazorat qiladi;

ushbu Uslubiyotida ko'zda tutilgan boshqa vazifalarni amalga oshiradi.

Korrupsiyaga qarshi kurashish bo'yicha mas'ullar zarur hollarda hududiy statistika organlari xodimlaridan qo'shimcha axborot va hujjatlarni talab qilib oladi.

2 bob. Korrupsiyaviy xavf-xatarlarni dastlabki baholash

9. Milliy statistika qo'mitasida korrupsiyaviy xavf-xatarlarni dastlabki baholash jarayoni tegishli buyruqlar va ularda ko'rsatilgan muddatlar asosida amalga oshiriladi.

Korrupsiyaviy xavf-xatarlarni dastlabki baholashning umumiy muddati 3 oydan oshmasligi lozim.

10. Korrupsiyaviy xavf-xatarlarni dastlabki baholash funksiyalarning korrupsiyaviy xavf-xatarga moyillik darajasini dastlabki baholash va tegishli funksiyalar doirasida Milliy statistika qo'mitasi xodimlari tomonidan amalga oshiriladigan ayrim tartib-taomillarning korrupsiyaviy xavf-xatar darajasini baholashni o'z ichiga oladi.

11. Korrupsiyaviy xavf-xatarlarni dastlabki baholash, pastdan quyi tizim tashkilotlaridan tepaga (Milliy statistika qo'mitasi darajasigacha), mazkur bobning 12-21 bandlarida ko'rsatilgan tartib va ketma-ketlikda amalga oshiriladi.

12. O'zbekiston Respublikasi Milliy statistika qo'mitasi tizimida korrupsiyaviy xavf-xatarlarni aniqlash va baholash yuzasidan tuzilgan ishchi guruh ro'yxati 1-ilova bilan belgilanadi.

13. Ichki nazorat bo'limi ushbu Uslubiyotiga 2-ilovada keltirilgan Korrupsiyaviy xavf-xatarlar xaritasini ishlab chiqish bo'yicha Milliy statistika qo'mitasining markaziy apparati va quyi tizim tashkilotlariga ko'rsatma yuborilishini ta'minlaydi.

Ko'rsatmada tasdiqlangan Korrupsiyaviy xavf-xatarlar xaritasini Ichki nazorat bo'limiga taqdim etish muddatlari ko'rsatilib, bu muddat yigirma besh ish kunidan kam bo'lmasligi kerak.

14. Milliy statistika qo'mitasining markaziy apparat tarkibiy bo'linmalarining Korrupsiyaviy xavf-xatarlar xaritasi tegishli bo'linmalar tomonidan ishlab chiqilib, Ichki nazorat bo'limiga markaziy apparat uchun yagona Korrupsiyaviy xavf-xatarlar xaritasini tuzish maqsadida kiritiladi. Markaziy apparat tarkibiy bo'linmalarining Korrupsiyaviy xavf-xatarlar xaritasi Ichki nazorat bo'limi tomonidan Milliy statistika qo'mitasining korrupsiyaga qarshi kurashish yo'nalishiga mas'ul rais o'rinbosari bilan kelishiladi.

15. Milliy statistika qo'mitasi va quyi tizim tashkilotlarining Korrupsiyaviy xavf-xatarlar xaritasi tegishli bo'linmaning Korrupsiyaga qarshi kurashish bo'yicha mas'ullari tomonidan ishlab chiqiladi va tegishli hududiy va tarkibiy bo'linma rahbarlari bilan kelishiladi. Tegishli rahbar bilan kelishilgan Korrupsiyaviy xavf-xatarlar xaritasi Ichki nazorat bo'limiga ko'rib chiqish uchun kiritiladi.

16. Milliy statistika qo'mitasi markaziy apparati va quyi tizim tashkilotlari tomonidan ishlab chiqilgan Korrupsiyaviy xavf-xatarlar xaritasiga oid savollar yuzaga kelgan taqdirda, Ichki nazorat bo'limi xodimlari hududiy statistika organlarga izoh berish yoki xaritaga tuzatish kiritish uchun so'rov yuboradi. Bunda, so'rovga javob so'rov olingan kundan boshlab besh ish kunidan oshmagan muddatda yuborilishi lozim.

17. Ichki nazorat bo'limi xodimlari o'z ekspertlik fikriga tayangan holda Korrupsiyaviy xavf-xatarlar xaritasiga o'zgartirishlar kiritishlari mumkin.

18. Markaziy apparat va hududiy statistika organlarning korrupsiyaviy xavf-xatarlar xaritalari asosida Ichki nazorat bo'limi Milliy statistika qo'mitasining korrupsiyaviy xavf-xatarlarning birlashgan xaritasini ishlab chiqadi.

19. Korrupsiyaviy xavf-xatarlarning birlashgan xaritasini tuzish muddati, markaziy apparat, hududiy va tarkibiy bo'linmaning korrupsiyaviy xavf-xatarlari xaritasi tasdiqlangan sanadan boshlab, o'n ish kunidan oshmasligi kerak.

20. Korrupsiyaviy xavf-xatarlarning birlashgan xaritasi Milliy statistika qo'mitasi Ichki nazorat bo'limi taqdimnomasiga asosan Milliy statistika qo'mitasi raisi tomonidan tasdiqlanadi.

21. Qoldiq korrupsiyaviy xavf-xatarlarning yuqori darajasi bilan ifodalanadigan tartib-taomillar uchun Ichki nazorat bo'limi va korrupsiyaga qarshi kurashish uchun mas'ullar ushbu Uslubiyotining 3-ilovasiga muvofiq korrupsiyaviy xavf-xatarlarga eng ko'p moyil bo'lgan lavozimlar ro'yxatini ishlab chiqadi.

22. Milliy statistika qo'mitasining korrupsiyaviy xavf-xatarlarga eng ko'p moyil bo'lgan lavozimlar ro'yxati Ichki nazorat bo'limi va korrupsiyaga qarshi kurashish uchun mas'ullar taqdimnomasiga asosan Milliy statistika qo'mitasi raisi va quyi tizim tashkilotlari rahbarlari tomonidan tasdiqlanadi.

23. Korrupsiyaga qarshi kurashish bo'yicha mas'ullar tomonidan tasdiqlangan Korrupsiyaviy xavf-xatarlarning xaritasida belgilangan chora-tadbirlarga asosan hududiy va tarkibiy bo'linmalarining Korrupsiyaga qarshi kurashish bo'yicha dasturi ushbu Uslubiyotning 4-ilovasiga muvofiq Korrupsiyaviy xavf-xatarlarning xaritasi tasdiqlangan sanadan o'n ish kuni ichida ishlab chiqilib tasdiqlanadi.

Quyi tizim tashkilotlarining Korrupsiyaga qarshi kurashish bo'yicha dasturi Ichki nazorat bo'limi bilan kelishilgandan so'ng tegishli hududiy statistika organlari rahbarlari tomonidan tasdiqlanadi.

24. Milliy statistika qo'mitasining Korrupsiyaga qarshi kurashish dasturi markaziy apparat bo'linmalarining korrupsiyaviy xavf-xatarlarni minimallashtirish bo'yicha chora-tadbirlarini inobatga olgan holda Ichki nazorat bo'limi tomonidan ishlab chiqiladi hamda Milliy statistika qo'mitasi raisi tomonidan tasdiqlanadi.

3-bob. Korrupsiyaviy xavf-xatarlarning keyingi (har yillik) baholanishi

25. Milliy statistika qo'mitasida korrupsiyaviy xavf-xatarlarning keyingi baholanishi doimiy ravishda, bir yilda kamida bir marta, qoida tariqasida yil boshida Milliy statistika qo'mitasi raisining tegishli buyrug'i asosida o'tkaziladi.

Keyingi (har yillik) korrupsiyaviy xavf-xatarlarni baholash muddati 2 oydan oshmasligi lozim.

26. Yillik korrupsiyaviy xavf-xatarlarni baholash ushbu uslubiyotning 2-bobida ko'rsatilgan korrupsiyaviy xavf-xatarlarni dastlabki baholash tartibida amalga oshiriladi.

27. Har yillik korrupsiyaviy xavf-xatarlarni baholash boshlanishidan oldin Ichki nazorat bo'limi Milliy statistika qo'mitasining markaziy apparati va quyi tizim tashkilotlari rahbarlariga oldingi baholash davriga nisbatan qonunchilikda yoki ichki idoraviy hujjatlarga kiritilgan o'zgarishlarni aniqlash maqsadida ushbu Uslubiyotga 5-ilovaga mos shaklda So'rovnoma yuboradi.

28. Ichki nazorat bo'limi markaziy apparat, hududiy va tarkibiy bo'linmalar rahbarlari tomonidan to'ldirilgan So'rovnomalarni yig'adi, tahlil qiladi.

4-bob. Milliy statistika qo'mitasida amalga oshiriladigan funksiyalar va tartib-taomillarning korrupsiyaviy xavf-xatar darajasini baholash tartibi

29. Korrupsiyaviy xavf-xatarlarni baholash tashqi va ichki axborot manbalaridagi ma'lumotlar tahlili asosida amalga oshiriladi, jumladan:

Milliy statistika qo'mitasining funksiyalarini tartibga soluvchi normativ-huquqiy hujjatlar va Milliy statistika qo'mitasining ichki hujjatlari (misol uchun, tarkibiy bo'linmalar, xodimlarning lavozim yo'riqnomalari to'g'risidagi nizomlar va h.k.);

ichki tekshiruvlar materiallari, shu bilan birga xizmat tekshiruvlari materiallari;

ichki audit va korrupsiyaga qarshi kurashish bo'yicha monitoring natijalari;
odob-ahloq komissiyasi yig'ilishlari natijalari;

manfaatdor tomonlar, davlat xizmati oluvchilar, ekspertlar va boshqa manfaatdor shaxslar orasida o'tkazilgan so'rov, jumladan ijtimoiy tadqiqotlar natijalari bo'yicha Milliy statistika qo'mitasining xodimlari tomonidan sodir etilgan korrupsiyaviy harakatlarga oid murojaatlar;

Milliy statistika qo'mitasi faoliyatidagi huquqbuzarliklarga oid statistik ma'lumotlar;

korrupsiyaviy harakatlar to'g'risida xabar berishga mo'ljallangan aloqa kanallariga kelib tushgan jismoniy va yuridik shaxslarning murojatlari;

Milliy statistika qo'mitasi xodimlari tomonidan sodir etilgan korrupsiyaviy harakatlar yoki odob-ahloq qoidalariga rioya qilmaslik to'g'risida OAVdagi ma'lumotlar;

ijtimoiy tarmoqlarda qoldirilgan izohlar;

huquqni muhofaza qiluvchi organlari tomonidan taqdim etilgan materiallar, jumladan jinoyat ishlariga doir axborotlar va boshqalar.

30. Korrupsiyaviy xavf-xatarlarni baholash jarayonida Milliy statistika qo'mitasining har bir funksiyasi va tartib-taomili bo'yicha korrupsiyaviy harakatlarni sodir etilishi imkoniyatlar borligi bo'yicha tahlil qilish lozim.

31. Har bir funksiya quyidagi shkala bo'yicha baholanadi:

Korrupsiyaviy xavf-xatarlarga eng ko'p moyil bo'lgan funksiya;

Korrupsiyaviy xavf-xatarlarga eng kam moyil bo'lgan funksiya.

32. O'rganilayotgan funksiya doirasida amalga oshirilayotgan tartib-taomillarning o'ziga xos xavf-xatarini baholash quyidagi mezonlarga ko'ra amalga oshiriladi:

o'ziga xos yuqori xavf-xatar korrupsiyaviy xavf-xatarlarga eng ko'p moyil bo'lgan funksiyalar doirasida amalga oshiriladigan tartib-taomillarga beriladi;

o'ziga xos o'rta xavf-xatar korrupsiyaviy xavf-xatarlarga eng kam moyil bo'lgan funksiyalar doirasida amalga oshiriladigan tartib-taomillarga beriladi;

o'ziga xos past xavf-xatar xavf-xatarlar ko'zda tutilmagan va Milliy statistika qo'mitasining Ichki nazorat bo'limining asosli xulosasi asosida istisno tariqasida qo'llanilishi mumkin.

33. Qoldiq korrupsiyaviy xavf-xatar darajasini baholash xavf-xatarli hodisani amalga oshirishining ehtimoli (mazkur Uslubiyotning 6-ilovasi 5.1 jadvaldagi mezonlarga qarang) va korrupsiyaviy xavf-xatarining oqibat darajasi (mazkur Uslubiyotning 6-ilovasi 5.2 jadvalidagi mezonlarga qarang)ni hisobga olgan holda xavf-xatarlar ahamiyatlilik shaklidan foydalanib amalga oshiriladi (mazkur Uslubiyoti 6-ilovasidagi 5.1 rasm).

5 bob. Korrupsiyaviy xavf-xatarning qoldiq darajasini minimallashtirish choralari

34. Korrupsiyaviy xavf-xatarlarni minimallashtirish chora-tadbirlarini belgilashda:

har bir chora Milliy statistika qo'mitasi xodimlari uning maqsadlari, pirovard natijasi va ma'lum bir korrupsiyaviy xavf-xatarni minimallashtirish bilan aloqasini tushunishi uchun aniq va ravshan ifoda etilishi;

har bir chora uchun uni amalga oshirish muddati yoki davriyligi belgilanishi, uni amalga oshirish uchun mas'ul shaxslar, amalga oshirilishini monitoring qilish va samaradorligini baholash mexanizmlari aniqlab olinishi zarur.

35. Milliy statistika qo'mitasining korrupsiyaviy xavf-xatarlar xaritasiga kiritilgan, aniqlangan korrupsiyaviy xavf-xatarlarni minimallashtirish chora-tadbirlari Milliy statistika qo'mitasining Korrupsiyaga qarshi kurashish dasturlariga ham kiritiladi (mazkur Uslubiyotining 6-ilovasi).

36. Milliy statistika qo'mitasidagi korrupsiyaviy xavf-xatarlarni minimallashtirish chora-tadbirlarini amalga oshirish ustidan nazorat Ichki nazorat tuzilmasi tomonidan amalga oshiriladi.

6 bob. Yakuniy qoidalar

37. Zarurat bo'lganda, Milliy statistika qo'mitasining korrupsiyaviy xavf-xatarlar xaritasi va korrupsiyaga qarshi kurashish dasturiga o'zgartirish va qo'shimchalar kiritish bilan bog'liq masalalar bo'yicha Ichki nazorat bo'limi tomonidan Milliy statistika qo'mitasi raisiga takliflar kiritiladi.

O'zbekiston Respublikasi Milliy statistika
qo'mitasi va uning quyi tizim
tashkilotlarida korrupsiyaviy
xavf-xatarlarni baholash uslubiyotiga
1-ilova

**O'zbekiston Respublikasi Milliy statistika qo'mitasi tizimida korrupsiyaviy
xavf-xatarlarni aniqlash va baholash yuzasidan tuzulgan ishchi guruh**

RO'YXATI

	F.I.SH	Lavozim
1.	Ishchi guruh raisi Z. M. Ziyayev	Raqamli va sun'iy intellekt texnologiyalarini joriy etish bo'yicha rais o'rinbosari
2.	Ishchi guruh kotibi O. O. Soliyev	Korrupsiyaga qarshi ichki nazorat bo'limi boshlig'i
Ishchi guruh a'zolari		
3.	U. R. Abdurasulov	Axborot va media markaz rahbari – Raisning matbuot kotibi, axborot siyosati masalalari bo'yicha maslahatchisi
4.	D. T. Zakirov	Statistika ishlarini tashkil etish va metodologiya boshqarmasi boshlig'i
5.	G. X. Salixova	Murojaatlar bilan ishlash va ijro intizomi nazorati bo'limi boshlig'i
6.	U. A. Noipov	Xalqaro hamkorlik boshqarmasi boshlig'i
7.	V. O. To'xtayev	Yuridik bo'limi boshlig'i
8.	A. A. Sultanov	Yig'ma-axborot ishlari boshqarmasi boshlig'i
9.	<i>Lavozim bo'yicha tayinlangan shaxs</i>	Makroiqtisodiy indikatorlar va milliy hisoblar boshqarmasi boshlig'i
10.	M. T. Umarov	Narxlar statistikasi boshqarmasi boshlig'i
11.	M. A. Satimov	Tadbirkorlik subyektlarini kuzatuv boshqarmasi boshlig'i
12.	M. M. Jomolov	Investitsiyalar va qurilish statistikasi boshqarmasi boshlig'i
13.	J. R. Djamaldinov	Tashqi iqtisodiy faoliyat va savdo statistikasi boshqarmasi boshlig'i
14.	X. M. Jurayev	Sanoat statistikasi boshqarmasi boshlig'i
15.	Sh. R. Daliyev	Qishloq xo'jaligi va ekologiya statistikasi boshqarmasi boshlig'i

O'zbekiston Respublikasi Milliy statistika qo'mitasi
va uning quyi tizim tashkilotlarida korrupsiyaviy
xavf-xatarlarni baholash uslubiyotiga
2-ilova

Milliy statistika qo'mitasining korrupsiyaviy xavf-xatarlar xaritasi

№	Funksiya nomi	Funksiyaning korrupsiyaviy xavf-xatarga moyillik darajasi (eng ko'p moyil / eng kam moyil)	Funksiya doirasida bajarilayotgan tartib-taomil nomi	Tartib-taomilni bajarish uchun mas'ul bo'lgan shaxslar (lavozimi, bo'linmasi)	Ehtimoliy korrupsiyaviy sxema (xavf-xatar)ning qisqacha ta'rifi	O'ziga xos korrupsiyaviy xavf-xatar (yuqori / o'rta / past)	Mavjud nazorat tartib-taomillari / korrupsiyaviy xavf-xatarlarni minimallashtirish choralari	Nazorat tartib-taomillari / korrupsiyaviy xavf-xatarlarni minimallashtirish chora-tadbirlarini tartibga soluvchi me'yoriy-huquqiy va ichki hujjatlar	Nazorat tartib-taomillari / korrupsiyaviy xavf-xatarlarni minimallashtirish chora-tadbirlarini amalga oshirish uchun mas'ul shaxslar (lavozimi, bo'linmasi)	Qoldiq xavf-xatar darajasi (yuqori / o'rta / past)	Korrupsiyaviy xavf-xatarlarni minimallashtirish bo'yicha chora-tadbirlarni amalga oshirish muddatlari	Izohlar (zarur hollarda)
1												
2												

1. Bo'linma

1.1. Organ yoki muassasa nomi

1.2. Departament/Boshqarma

1.3. Bo'lim

2. To'ldirish uchun mas'ul

2.1. FISH

2.2. Lavozimi

2.3. Bog'lanish uchun (elektron pochta, telefon)

O'zbekiston Respublikasi Milliy statistika
qo'mitasi va uning quyi tizim
tashkilotlarida korrupsiyaviy
xavf-xatarlarni baholash uslubiyotiga
3-ilova

**Korrupsiya xavf-xatariga eng ko'p moyil bo'lgan lavozimlar
RO'YXATI**

№	Tashkilot nomi	Tashkilot tuzilmasi nomi	Lavozim (funktsiyalarini bajarish uchun mas'ul bo'lgan shaxslarni ko'rsatgan holda)
1.1.			
...			
2.1.			
...			

O'zbekiston Respublikasi Milliy statistika
qo'mitasi va uning quyi tizim tashkilotlarida
korrupsiyaviy xavf-xatarlarni baholash
uslubiyotiga
4-ilova

**Milliy statistika qo'mitasi, hududiy statistika organlarining
korrupsiyaga qarshi kurashish dasturi**

№	Tashkilot nomi	Korrupsiyaviy xavf-xatarni minimallashtirish bo'yicha choralar/tadbirlar/tartib-taomillar	Amalga oshirish mexanizmi	Bajarish muddatlari	Mas'ul ijrochilar (FISH, lavozimi)
1.1.					
1.2.					
...					
2.1.					
2.2.					
...					

**Korruptsiyaviy xavf-xatarlarni keyingi bosqichda baholash uchun
Milliy statistika qo'mitasi va hududiy statistika organlarini tasniflash bo'yicha so'rovnoma
SHAKLI**

Quyidagi savollarga javob bersangiz (kerakligisini tagiga chizing):

1. Korruptsiyaviy xavf-xatar so'nggi marta baholangandan so'ng qonunchilikda qandaydir o'zgarishlar sodir bo'lganmi? Agar javob ijobiy bo'lsa, quyida keltirilgan jadvalga tegishli ma'lumotlarni kiriting.

A) Ha B) Yo'q

2. Tarkibiy bo'linmangiz tomonidan bajariladigan tuzilma yoki funktsiya faoliyatini tartibga soluvchi ichki hujjatlarda korruptsiyaviy xavf-xatar so'nggi marta baholangandan so'ng qandaydir o'zgarishlar sodir bo'lganmi? Agar javob ijobiy bo'lsa, quyida keltirilgan shaklga tegishli ma'lumotlarni kiriting.

A) Ha B) Yo'q

3. Korruptsiyaviy xavf-xatar so'nggi marta baholangandan so'ng davlat boshqaruv organlari faoliyati/tuzilmasida tarkibiy bo'linmangiz tomonidan bajarilayotgan funktsiyaga ta'sir qilgan/ta'sir qilishi mumkin bo'lgan qandaydir o'zgarishlar yuz berdimi? Agar javobingiz ijobiy bo'lsa, quyida keltirilgan shaklga tegishli ma'lumotlarni kiriting.

A) Ha B) Yo'q

4. Korruptsiyaviy xavf-xatarlarni avvalgi baholashda ko'zda tutilgan korruptsiyaviy xavf-xatarlarni minimallashtirish chora-tadbirlari amalga oshirildimi? Nima va qachon amalga oshirilganini ta'riflab bering. Agar amalga oshirilmagan yoki qismay amalga oshirilgan bo'lsa, sababini yozing.

A) Ha B) Yo'q V) Qisman amalga oshirilgan

5. Davlat organi/idorasi tizimi bo'linmalarida funktsiyalarni bajarish va tartib-taomillarni amalga oshirishga ta'sir ko'rsatishi mumkin bo'lgan boshqa shart-sharoitlar mavjudmi? Agar javobingiz ijobiy bo'lsa, quyida keltirilgan jadvalga tegishli ma'lumotlarni kiriting.

A) Ha B) Yo'q

№	Tashkilot nomi	Tashkilot tuzilmasi nomi	Funksiyalar o'zgargani sabablari	O'zgargan funksiya ta'rifi	Funksiya doirasida bajarilayotgan yangi/o'zgargan tartib-taomillar	Tartib-taomillarni bajarish uchun mas'ul shaxslar (FISh, lavozimi)
1.1.1.						
1.1.2.						
...						

Davlat organi/idorasi /davlat organi/idorasi tizimi muassasasi _____

Bo'linma _____

To'ldirayotgan shaxsning lavozimi _____

To'ldirayotgan shaxsning FISh _____

Imzo _____

To'ldirish sanasi _____

**6.1-jadval – Korrupsiyaviy xavf-xatar ehtimoli darajasini
aniqlash mezonlari**

Ehtimoli	Ta’rifi
Yuqori	– O‘ziga xos xavf-xatar darajasi yuqori – Nazorat tadbirlarining mavjud emasligi/sezilarli darajada kam-ko‘stini to‘ldirish kerak bo‘lgan nazorat tadbirlarining mavjudligi – Tartib-taomilni ichki hujjatlar yordamida aniq tartibga solinishi mavjud emasligi – Tartib-taomilni avtomatlashtirish mavjud emasligi/darajasi pastligi
O‘rtacha	– O‘ziga xos xavf-xatar darajasi o‘rta – Tartib-taomil tartibga solingan, kam-ko‘stini oz miqdorda to‘ldirish kerak bo‘lgan nazorat tadbirlari joriy etilgan – Tartib-taomil tartibga solingan, qisman avtomatlashtirilgan, biroq yetarli darajada shaffof emas – O‘ziga xos xavf-xatar darajasi yuqori xavf-xatarni kamaytirish uchun yetarli bo‘lgan nazorat tadbirlari, jumladan Qo‘mitaning ichki hujjatlari bilan tartibga solingan, kamida uchta shaxs tomonidan kross-funksional nazorat (davlat organi va tashkiloti hududiy va tarkibiy davlat bo‘linmalarining nazorat qilinishi)ni ko‘zda tutuvchi nazorat tadbirlarining mavjudligi – Tartib-taomil qisman yoki to‘liq avtomatlashtirilgan
Past	– O‘ziga xos xavf-xatar darajasi past – O‘ziga xos xavf-xatar darajasi o‘rta hamda xavf-xatarni kamaytirish uchun yetarli bo‘lgan nazorat tadbirlari, jumladan ichki hujjatlar bilan tartibga solingan, kamida uchta shaxs tomonidan kross-funksional nazoratni ko‘zda

Ehtimoli	Ta'rifi
	tutuvchi nazorat tadbirlarining mavjudligi – Tartib-taomil to'liq avtomatlashtirilgan

6.2-jadval – Korrupsiyaviy xavf-xatarning oqibat (ta'sirchanlik) darajasini aniqlash mezonlari

Oqibat darajasi	Obro'ga putur yetkazish	Javobgarlik
Yuqori	– Xavf-xatar tashkilotning mamlakat va xalqaro miqyosdagi obro'siga sezilarli ravishda putur yetkazadi	– Qo'mita xodimlariga nisbatan jinoiy ish qo'zg'atish uchun tegishli organlarga hujjat yuborish tashabbusi bilan chiqish
O'rta	– OAVda salbiy hodisaning yoritilishi; – Aholi va hamkorlardan salbiy fikrlar va shikoyatlar olish; – xavf-xatar tashkilot obro'siga mahalliy darajada putur yetkazadi.	– Qo'mita xodimlariga nisbatan ma'muriy surishtiruv o'tkazish uchun hujjatlarni Korrupsiyaga qarshi kurashish agentligiga yuborish tashabbusi bilan chiqish
Past	– Aholi, mahalliy OAVlardan vaziyatga izoh berishni so'rab alohida so'rovlar tushishi mumkin	– Davlat organi/idorasi tizimi xodimlariga nisbatan xizmat tekshiruvi o'tkazish tashabbusi bilan chiqish mumkin

6.1-rasm. Qoldiq xavf-xatar darajasini aniqlash shakli

